



**Sud Bosne i Hercegovine**  
**Суд Босне и Херцеговине**

---

*Broj: SI 3 Iž 031073 18 Iž*  
*Sarajevo, 16.11.2018.godine*

*Sud Bosne i Hercegovine u Sarajevu, u vijeću Apelacionog odijeljenja sastavljenom od sudija Vesne Trifunović, kao predsjednika vijeća, Dinke Bešlagić-Čovrk i dr. Branko Morait, kao članova vijeća, odlučujući o žalbi Milanka Mihajilice, predsjednika Srpske radikalne stranke Republike Srpske, izjavljenoj protiv Odluke CIK-a BiH broj 05-1-07-1-1274-76/18 od 13.11.2018. godine o II izmjeni Odluke broj: 05—1-07-1-1274-1/18 od 22.10.2108. godine o utvrđivanju i i objavi rezultata Općih izbora u BiH 2018. godine, u nejavnoj sjednici održanoj dana 16.11.2018.godine, donio je*

**R J E Š E N J E**

***Žalba se odbacuje kao nedopuštena.***

***O b r a z l o ž e n j e***

*Odlukom Centralne izborne komisije Bosne i Hercegovine broj i datum navedeni u uvodu, izmjenjena je Odluka o II izmjeni Odluke od 22.10.2018. godine o objavi rezultata Općih izbora u Bosni i Hercegovini 2018. Godine u dijelu izvještaja o rezultatima za razinu 300 Narodna skupština Republike Srpske:*

- za političkog subjekta 02372-Srpska demokratska stranka (SDS-SRSRS-SRS), 3. mandat na kompenzacijskoj listi na kojem se nalazi kandidat Mihajilica Milanko (Srbin), dodjeljuje se kandidatu istog političkog subjekta na 10. mjestu iste kompenzacijske liste, 82. kandidat, Marković Ivanki (Hrvatica), i*
- za političkog subjekta 00515- Savez nezavisnih socijaldemokrata-SNSD, 4. Mandat na kompenzacijskoj listi na kojem se nalazi kandidat Vuković Radovan (Srbin), dodjeljuje se kandidatu istog političkog subjekta na 10. mjestu iste kandidatske liste, 83. mandat, Šulić Denisu (Bošnjak).*

*Protiv ove odluke žalbu je u ime koalicije Srpska demokratska stranka- (SDS-SRSRS-SRS) podnio Milanko Mihajilica, predsjednik Srpske radikalne stranke Republike Srpske.*

*U žalbi navodida nisu dati razlozi zašto se u konkretnom slučaju ne primjenjuje imperativna odredba člana 11.tačka 6. Stav(2) Izbornog zakona, na koju odredbu je decidno ukazivao u žalbi politički subjekt 02372-Srpska demokratska stranka-(SDS-SRSRS-SRS).*

*Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbaci kao nedopuštena jer je podnijelo neovlašteno lice, odnosno odbije žalba kao neosnovana.*

*Žalba je nedopuštena.*

*Uvidom u spis utvrđeno je da je žalbu uložio Milanko Mihajilica, predsjednik Srpske radikalne stranke Republike Srpske u ime koalicije Srpske demokratske stranke – (SDS-SRSRS-SRS). Uz žalbu nije priložio ovlaštenje koalicije za ulaganje žalbe, pa je u ovom slučaju žalbu podnijelo neovlašteno lice.*

*Naime, predmetnu žalbu nije uložilo lice ovlašteno za zastupanje kolacije jer iz prijave za ovjeru koalicije navedenog političkog subjekta, ovlaštenu predstavnik koalicije je Neđo Kapuran, koji je jedino u ime kalicije a u smislu odredbe člana 6.3 stav (1) Izbornog zakona BiH i mogao uložiti žalbu, niti se radi o licu koje je u smislu citirane zakonske odredbe kao ovlaštenu punomoćnik na osnovu posebnog ovlaštenja uložio žalbu na navedenu odluku CIK-a BiH.*

*Iz navedenih razoga, apelaciono vijeće zaključuje da je žalba nedopuštena, u smislu člana 180 stav 2 Zakona o parničnom postupku pred Sudom BiH (Sl. glasnik BiH br. 36/04 sa izmjenama). Stoga je primjenom odredbe člana 191 stav 1 tačka 1 citiranog zakona valjalo žalbu odbaciti, odredbe kojeg zakona se shodno primjenjuju kako je to propisano članom 60 a) Zakona o upravnim sporovima Bosne i Hercegovine (Sl.glasnik BiH broj 19/02 do 83/08)*

*Predsjednik vijeća  
Sudija  
Vesna Trifunović*